



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus XV. De remoto effectu excommunicationis majoris.

[urn:nbn:de:hbz:466:1-73064](#)

2011 cipere; Epistolam ab ipso scriptam legere, post eius obitum. Hinc in *c. inter alia* 31. de sent. excommunic. traditur hæc regula: quod, qui prius obligati alicui erant ad familiare obsequium; eidem etiam excommunicato communicare teneantur; excipiuntur tamen Clerici respectu Episcopi, & Monachi subditi respectu Abbatis excommunicati, nisi habeant titulum subjecti, temporalis servitii; Sic Barbosa ibi, n. 10. & 11. aliud est quoad actus jurisditionis; nam sine his præstari possunt servitia, consequenter in illis non tenentur; Barbosa n. 9.

Lex hic significat legem, seu *obligationem conjugalem*; propter quam ab obligatione non communicandi cum excommunicato vitando excipitur uxor. Hæc enim non solum quoad usum conjugalem, & obsequia solita, sed etiam quoad omnia alia communicare potest cum marito excommunicato vitando, ut constat ex *c. inter alia*, 31. de sent. excom. & tenet Hurtado cit. D. 9. de excom. diffic. 4. Excommunication enim, ut dixit Innocentius III. in cit. *c. inter alia* non privat excommunicatum suo jure; ergo illi reddendum est, quod ei debetur; & quamvis in *c. quoniam multos*, 1. q. 3. solum sermo sit de uxoribus, quibus permittitur communicatio cum excommunicato marito (cum frequentius sit excommunicari viros, quam mulieres) extenditur tamen etiam ad maritum respectu uxoris excommunicatae propter allatam rationem. Hæc tamen omnia intelligi vult Castropalaus, si quis conjugum excommunicatus ob aliam causam, quam matrimoniale; Sic etiam Bauny de cens. D. 6. q. 4. & Barbosa in cit. *c. n. 5.* tunc enim excommunicatione (cum pendet lis, & divorcium de valore matrimonii) petit eorum cohabitationem impedire. Deinde etiam, si unus scienter nupsit excommunicato viando; sed hoc negat Sanch. de matr. l. 9. D. 14. n. 11.

2012 *Humile* significat obsequia à servis Dominio; à liberis Patti exhiberi posse sine poena, aut culpa; Bauny cit. *s. Lex*, & habetur *c. si vere*, 34. h. t. Notat autem Hurtado cit. n. 24. per *servos* hic non intelligi vasallos; hi enim nec sunt filii, nec servi, nec aliter de familia Domini temporalis. Et ob eandem rationem vult etiam clericos non excipi à prohibitione communicandi cum excommunicato suo

Tom. V.

Episcopo, nec econtra. Solum ergo ly humile comprehendit servi ex obligatione prius, quam incurritur censura, contracta. *Res ignorata* significat ignorantiam tam juris, quam facti, quæ sicut operantem eximit à peccato, sic etiam eximit à poena. *Necessæ* verò significat necessitatem tam spiritualem, quam temporalem excommunicati, vel communicantis, quæ si postulet communicationem excommunicati cum non excommunicato, vel econtra facit immunem à culpa, & poena; Sic Bauny de censur. D. 6. q. 4. ex *c. inter alia*, 31. de sent. excom. Quod enim non est in lege licitum, necessitas licitum facit, inquit 4. regula juris.

ARTICULUS. XV.

De remoto effectu excommunicationis majoris.

2013 *T*res effectus habet excommunicatione *c. rursus*, ibi: si vero intra annum causam suam purgare contempserint, nulla erorum vox postea audiatur. & c. quicunque, 11. q. 3. ubi Gelasius Pontifex, *Quicunque*, ait, *intra anni spatium civiliter, sive publicè causam suam coram suis excommunicatoribus non peregerint, ipsi sibi aditum audiencia clausisse videantur*. Quod si obstinato animo sine communione defuncti fuerint, nos eorum causam, juxta B. Leonis Præcessoris nostri sententiam, divino iudicio reservantes, *quibus vivis non communicavimus, nec mortuis communicare debemus*.

2014 Secundus est, quod is, qui excommunicatione (idem dic de suspensione & interdicto) innodatus, obdurato animo in ea per annum perseverat, fiat suspectus de hæresi, & ut talis possit puniri; intellige secundum praxim, quod inducat purgationem, in qua, si deficiat, puniri poterit ut hæreticus. Tertius effectus est irregularitas, quæ incurritur à Clerico excommunicato, suspenso, vel interdicto, exerceente solen-

LII

niter

450 Tract. In Lib. V. Decretal. Quæst. XXXIX.

niter officium Ordinis sacri, quem habet, ut constat ex c. 1. de sent. & re judicata, ibi: *Si suspensione durante damnabiliter ingesseris se divinis, irregularitatis laqueo se involvet;* id, quod etiam habetur in c. 1. h. t. in 6. ibi: *Si contingere, eos sic suspensos divina officia exequi sicut prius, irregularitatem non effugient juxta Canonicas Sanctiones;* item c. 15, cui, 20. eod. in 6. Sic Hurtado loco cit. quibus addit Bauny de censur. tract. 1. q. 10. etiam de illo, qui tale quid coram se exerceri scienter imperat. Hæc tamen intellige de re ipsa censurato; non eo, qui solum talis puetur.

2015 Nota autem, hanc irregularitatem esse reservatam Papæ, licet excommunicatione esset ab inferiore Prælato per cit. c. 1. de sent. excommunicatio. in 6. ibi: *Super qua non nisi per Summum Pontificem poterit dispensari.* Procedit autem hæc poena excommunicationi, si divinis seingerat, si ligatus sit excommunicatione majori. Nam de hac simpliciter accepta textus loquitur; qui enim in excommunicatione minori celebrat, ob hoc non fit irregularis. Sic Bauny loc. cit. t. 1. q. 10. & probabilius intelligitur de exercitio officii, quod ab Ordinibus pender; & solum infligit poenam propter talum actum presumptuose, ac temere exercitum.

ARTICULUS XVI.

De Excommunicatione minori.

2016 **E**xcommunicatione minor est censura Ecclesiastica, quæ propter communicationem cum excommunicato contracta privat usum passivo Sacramentorum, ac participatione beneficiorum Ecclesiastico rum; sic Bauny de cens. t. 5. D. 6. q. 1. patet ex c. *Si celebrat*, de Cleric. excommunic. ministr. Incurritur etiam ab Episcopo communicante otiosè cum excommunicato virando, esto denuntiatus sit ab ipso; Barbos. in c. *cum desideres*, hic n. 4. Inter ejus effectus primus est, amittere jus passivum recipiendi Sacramenta; secundus, excludere ab electione passiva ad beneficium, quatenus, si electio talis excommunicationis fiat, irritanda est, ut patet ex c. *Sic celebret*, de excommunic. ministrante; ubi Gregorius IX. sic loquitur: *Si celebret à minori excommunicatione ligatus, licet graviter peccet, nullius tamen notam irregularitatis incurrit, nec eligere prohibetur, vel ea, qua ratione jurisdictionis sibi competunt, ex-*

ercere. Si tamen scienter talis electus fuerit, ejus electio est irritanda, pro eo quod ad suscep tionem eorum eligitur, à quorum perceptione, a sanctis Patribus est privatus. Peccat autem conferendo Ecclesiastica Sacra menta, sed ab eo collata virtutis non carent effectu, cum non videatur à collatione, sed participa tione Sacramentorum (que in sola confessio perceptione) remotus. Dummodo non in contemptum Ecclesiasticae disciplinae, vi delicit contra prohibitionem Superioris, communioni excommunicatorum pertinenter se ingesserit: in quo casu est anathema ferendum.

Not. tamen 1. quod excommunicatio minor directe privat solum iure passivo recipiendi Sacra menta; & tantum indirecte jure passivo recipiendi beneficia; ideo enim privat illo, quia privat receptione Sacramentorum, ad quam beneficium saltem remote ordinatur, quia ordinatur ad celebrationem, ac proinde ad susceptionem ordinum, & Eucharistie; Sic Hurtad. D. 14. diffic. 1.

Not. 2. mutuam communicationem fidelium, & excommunicati (ob quam solum nunc contrahitur excommunicatione minor, ut notat Hurtado cit. D. 16. n. 1.) prohibitam esse, ut vult Hurtad. D. 11. diffic. 2. n. 5. intuitu ac virtute religiosis, ac proximamente esse peccatum oppositum religioni, quod Hurt. vocat peccatum irreligiositas facta enim prohibitio est in odium excommunicati, tanquam indigni communicatione fidelium, qui sunt membra Ecclesia.

Not. 3. Susceptionem Sacramentorum in excommunicatione minori illicitam esse, cum violet prohibitionem Ecclesie; & quidem, ut vult Hurtado D. 16. Diffic. 1. n. 2. mortaliter, ut habetur ex textu in c. *Si celebrat*, de quo supr. ubi dicitur, quod si in excommunicatione minori celebret, *peccet graviter*; non autem, quia ministrat, ut patebit, ergo quia recipit. Dubitatur autem, an licet Sacra menta illicitè, tamen valide recipiat? R. affirmativam teneria Navarro, & Covar. Vasquez autem, & alii, quos citat, & sequitur Hurtado cit. n. 3. ait, esse inhabilem ad recipiendum Sacramentum poenitentie, esto naturaliter oblitus esset sibi excommunicationis; quod Ecclesia eum removeat à Sacramentorum susceptione, quantum potest; Sed P. Anton. Escobar. Theol. mor. l. 50.